

Protocol no. 74
Sezzüda da lündeschdi, 4 october 2010, 20.00 – 23.10

Preschaints: Jon Carl Rauch; Chasper Alexander Felix, Georg Salomon,
Marianne Werro-Lehmann, Jachen Andri Schmidt e
Rico Zini (protocol)
Tractanda 664 – 665: Jon Curdin Felix

Protocol

Il protocol no. 73 da la sezzüda dals 27 settember 2010 vain approvà.

665 860.503.11 Manisaziun turbina Sur En
Surdatta da lavur

Il Cussagl cumünal piglia incunter las infuormaziuns dal manader tecnic a regard la renovaziun (rimplazzamaint) da la manisaziun da la turbina Sur En.
Il Cussagl cumünal decida da surdar la lavur a la firma Züllig AG pel predschi d'offerta da fr. 48'816.-- (excl. IPV.)

666 021 FABRICA
Urs Wittwer – Rimplazzmoint da las fanestras – Curtin 11

Il Cussagl cumünal conceda il permiss da fabrica (procedura d'annunzcha) pel intent manzunà aint il titul cun seguaintas cundiziuns:

1. Tenor la dumonda acclusa al permiss da fabrica.
2. Las fanestras novas han d'avair, co tschellas fanestras da la chasa, üna cruscha.
3. Taxa da trattamaint: fr. 50.--

668 800.427 Taxas d'erbadi
Proposta dal cusgliader agricul

Il Cussagl cumünal piglia cogniziun da la proposta dal cusgliader agricul a regard l'adattamaint e la simplifacziun da l'administraziun da las taxas d'erbadi.

La proposta füess dad incassar üna taxa d'erbadi da fr. 24.-- per chargiada normala. E quai independent scha l'alp chargia per 100 % l'alp o na. Quai dess esser la roba da minch'alp svesa. Implü nu's fessa plü ingüna differenza sch'ün pauc es domicilà o na. La contribuziun dess esser per tuots la istessa. Per simplifichar l'administraziun dess il cumün far ün quint per alp culla taxa d'erbadi. Co cha'ls pauc spartan sür lur taxas dessan els far a man da la quantità da bes-chas.

Il quint per metter la bescha d'utrò vain pajà tras il cumün e sparti solidaricamaing tanter tuots. Cundiziun es però cha l'alp da bescha chargia in prüma lingia lur alp plü bain sco pussibel. Quai vuol dir per 100 % da las chargiadas normalas.

Il Cussagl cumünal decida da far bun la proposta dals 22 settember 2010 dal cusgliader agricul.

**670 710.501.05 Infrastructura Crusch
Surdattas da lavur**

Davo avair tut cogniziun dal riassunt dal schef d'aua e las spiegaziuns decida il Cussagl cumünal da surdar las seguaintas lavuors:

1. Lavurs d'impressari
Impraisa Mario GmbH, Ramosch fr. 59'663.45
2. Lavurs da catram
Palatini AG, Sent fr. 24'034.15

**671 300.365 Contribuziuns e donaziuns
Dumonda da sustegn – Center d'inscunter Oasa**

Il capo prelegia la dumonda da sustegn pel center d'inscunter Oasa a Scuol pel on 2010 e 2011. Il Cumün da Scuol ha decis da contribuir per quels duos ons fr. 6'000.--. Tenor il Cussagl cumünal es l'Oasa üna buna sporta regiunala e decida da contribuir per l'on 2010 e per l'on 2011 fr. 1'000.--. El intuna però cha l'instituziun dess impustüt provar eir da chattar daplüs fautors privats.

**672 340.366 Promoziun sport
Di da movimaint**

Il Cussagl cumünal ingrazcha a Marianne Werro per l'organisaziun dal di da movimaint ch'id es stat ün grond success.

L'actuar: